

安般移詩續鈔

安般經集目錄

詩續戊

損之又損

偶咏虞仲翔事

託興

戲效陸體咏長安早春

崎嶇

題莊中白蒿庵集

歸善鄧公蒙

恩解官養病述一首

卽事

偶見小院巢雅戲賦

兀兀騰騰

綿綿穆穆

漫題

改兒子梁肅句

追感興化先生

伯訥兄枉過茅堂有作

春露園桃將放

題仲弼所藏跨虎仕女圖

清曉行小圃中寓興

續前作

閉關

擬作游仙一首

戒九弟

連日得雨呈括蒼趙先生

寄題里中舊居二首

園中花時招集鄉郡友人寘酒徐戶曹有詩見示因

答和

題畫柏

三月二十八日蕭寺餞別

鄧公瀕行以所乘驢見贈不意驚逸覆車老僕王姓  
猝然歷斃於其瘞也哀之以詩

戲書

送西僧華蓋

奉送黃丈典試閩中感時書事有述二章

送夢華

天台藤杖歌

簡繩庵丈

圓枕贊

方牀詩

鼎父所  
留坐具

雨後納涼

善果寺

人事不齊

頗饒

蓼花

有一佳書爲友人借觀失手漬水所沬戲咏

秋日過灌畦翁

偶寄栝州山中隱者

龔儀曹同年索和

睡起聞茶沸聲

詩集卷之三  
上蒿隱先生

欲雪

尊老生日

過水月庵有懷姚鏡塘先生

最愛

歲除

安般經集

詩續戊

芳郭鈍安

損之又損

戊子

不向損中求作用，卻資何術養神明？戒爲第一功，安隱慈攝中。千物化生傳沫細，輿眞可翫蛇蚶蝟甲，未須盈逃虛。吾欲蓬蒿佳茶竈，丹爐次第成。

偶咏虞仲翔事

大兒疏宕頗相知

謂孔文舉

後鄭精深未可嘗，腐芥何緣干虎

魄，葬簫直欲遣蠅吹，解屣未達瘡，徒旨

皇甫士安名守論曰瘡蟄之徒天下

之有道者也

詮易翻援祕說詞

虞氏易源出參同許叔重以爲祕書說

雖則通人



猶有蔽卻居流徙不忘規

託興

東方託興代農謳逸翮囚拘不自由下策支離慚祿隱區  
中竟墮第三流

楊子法言云聖人  
高餓暴下祿隱

戲效陸體咏長安早春

幾度金門閱歲華吾生合買醉無涯春聯戶戶車生耳好  
語家家戟列牙風引碧簫樓縹渺雪裝瓊藥樹交加奇材  
何處韓園卒睡穩花瓢聞曙雅

崎嶇

崎嶇世故氣猶全喧處浮游寂處平亦有五岳起方寸時

遊孤鴻揮懦弦朱雀桁駟成底用碧雞坊宅且隨綠把茅  
吾欲遺家去一庵昏曉送華顛

題莊中白蒿庵集

別有清孱抱非無隱秀篇前游江岸圻舊業草亭平氣以  
摧傷瑩詞因蕉萃媵諧談起我意隱事託誰箋賦擷蘭陵  
筆音流竹屋椽周旋曾款款神理尙緜緜幾翦秋床燭同  
浮畫檻船風流渾似夢悵望竹西天

歸善鄧公蒙

恩解官養病述一首

往時諫紙月千張卻掃時聞臥一堂瘴嶠嶠嶇工叱馭中

遼飢餓尙亡羊決疣竟換羅衣去憂國難將藥石忘暫許  
羅浮專一壑除書早晚賈林塘

卽事

風壚冰漸晴盪漾碧句林影午參差  
羈魂暫釋緣光景倦  
眼無端困牒移友似向晨星錯珞身如隔日瘧支離莫言  
工倚糟邱隱阮籍當年亦自疑

偶見小院巢雅戲賦

結巢戢戢數黃雅障日輕煙似幕遮  
麝香已教專腐鼠續  
紛復許看塵蝸休疑池上鷓爭粟  
莫妬江頭鵲咏花栖徧  
上林多少樹但令安隱亦何瑕

兀兀騰騰

涪翁晚困編管宜州作堂任運寡欲清修一龜指床蒸泥  
出菌文字性存皮膚剝盡騰騰兀兀日用曹溪毋落吾事  
運甃灌畦

綿綿穆穆

湘鄉早年一官人海何吳湯邵蜚英競采獨耽閑寂避噉  
栖平屬友署室穆穆由靜之運以敬為主綿綿自喧返寂守靜爲潛  
天潛地齋養乃神閉凍不堅安有陽春

漫題

南枝塢蒲北枝皴城釀嫌甜野釀醅萬有不齊春後物澹

然已足定中身黨枯護朽難醫俗啁鵲遊螽亦療噎試策  
西郊藤杖去一觀浩蕩物華新

改兒子梁肅句

一雁春庭飛欲下有人危坐撫孤桐偶將太古蕭寥意寫  
入清商激越中

三人寘酒對論詩一客無言有所思詩句欲成飛鳥遠綠  
蕪斜日樹陰移

追感興化先生

先生示人杜德機丹經電逝見無期未忘將屨擦傷日永  
作芳郭人天師

伯訥兄枉過茅堂石作

涉歷崎嶇氣益平  
芒屨竹杖覺身輕  
春禽報客珠先噉  
山色迎人黛已橫  
年輩坐忘容岸幘  
登臨有興欲移枰  
公眞解縛辭張徹  
我尙挖泥帶水行

犬吠籬根風入松  
團焦負郭便疏慵  
持櫛不待長鬚約  
開徑還欣玉趾躋  
會遣諸生拜槐里  
敢云元禮識林宗  
杖頭試挂百泉去  
同聽西郊晚寺鐘

春霽園桃將放

春陰著意閣輕雲  
桃欲舒紅望易分  
任是風狂吹不落  
故緣含萼最精神

題仲弼所藏跨虎仕女圖

天風駕泠泠峯陽雲一絲毛女誰喚起橫吹碧參差青林  
瑤闕閒凌鞞將何之璆然明月佩解之欲遺誰毋乃畫工  
戲寓興七發詞玉笙坐兩頭後庭青蛾眉洞房施錦茵是  
伏蹶痿機誰餐礪石散狎虎相抵巇又疑參同家取兒不  
用離姹女煉黃芽妙訣容成遺丹成騰汗漫金虎驂素威  
二說皆幻想可取摧燒之思惟道勝者見境而不移白虎  
爲我瑟蒼龍爲我箠摧落諸外道馴以四威儀三機方電  
掣且須守其雌偶現華髮相蕭然出塵姿神藏藕絲孔氣  
攝深叢熊黃子搜祕素渺然健抽思中士嗤捉搦

殷芸  
小說仙

眞助揮持吾言亦戲耳試詰無言師

清曉行小圃中寓興

天桃已落英勁風無留花孤松方含苞潛穎始萌牙彼胡  
穠而脆此豈貞而葩化工非汝厚物性其如何窺突遲炊  
煙仰觀東溟霞遲遲出林翻似投西淵邁吾意偶有得陶  
然思無邪一笑皆寘之外物吾何訶

續前作

多難膽氣薄出門道阻修豈惟怯遠適兼畏謗與讎收身  
鷓鴣窟洞然天人憂草木蠹蛾微縱橫成春秋且欲觀物  
化湛冥當林邱敷文自娛戲聊釋世語因何以酬春光榮



啟一鹿裘倦來枕白石亦挾葛天遊

閉關

百蟲無可與語只合蕭蕭閉關泥水倘容自蔽何須射獵  
南山

擬作游仙一首

河源西界集眞仙海色清涼壁月懸一卷夢攜丹漆器幾  
人手補蔚藍天東王賜擘虬爲脯西母教裁璽作牋聞道  
赤松新著籍丰容升降挾長煙

戒九弟

湍石碎方舟風斤摧木直虛船澹容與社櫟青如織物理

有如斯世窅甯易測欲遣榮趁憂先鉏董梧色

連日得雨呈括蒼趙先生

上已匆匆佳襖過宵來一雨潤園林棠開珠幃三重珞松  
長黃芽幾寸金新漲碧缸塵耳洗閒聽翠鳥道機深放晴  
待寘花閒酒判得浮生百榼斟

寄題里中舊居二首

彌望應暢然草樹繁阡陌列簷曖煙火雞犬馴故宅池改  
昔時穿花涵前地虬松猶一窗青山幻四時碧遙心依歸  
雲積氣鍊營魄漸北隔燕南相望連日夕神傷蓼莪篇園  
苔漫行迹縱令遼鶴返哀唳裂厓石何者爲百年千金軀

言系人  
九  
養客鮮民吾獨存一歎天地窄

晦村及東巖芒屨沾草露紫溪郭文樵石室嚴子渡林巒  
絕勝處心賞不可遇山魃木魅閒飽汝幽栖趣江流白雲  
裏榜繫青楓步兩岸山花紅細雨散如霧我未脫世機歸  
盟西崦鷺童稚須請授鄰曲通眷顧下溪待勤糲丙舍補  
封樹吾非慕禽向第欲安吾素已辦書一車將供娛老具

園中花時招集鄉郡友人寘酒徐戶曹有詩見示因  
荅和

我本山中人心情漸衰槁龍中花發不得歸頗惜當時好  
懷抱碧雞坊頭居幾春幙紅塵土催人老差幸鞿柝半畝

園蜂喧坐覺春痕早城西何處不尋春卻惱風光歲歲新  
平生故人碧雲暮誰與醉臥花閒茵樣曹衝泥晚歸舍避  
俗畏出旁人嗔諸公相看辱注瓦如結鄉社盤橫鱗杯行  
到手莫辭醉長繩幾見迴羲輪交柯凝妝闌妍麗天巧翦  
熨珠襦勻頗疑霞散赤城纈餘丹下染仙姝脣又疑造物  
慰蕉萃瓔珞張此林園貧斜簪散髻坐籬落閒林照耀清  
無塵高歌遏雲花片墮有似曲罷青蛾顰秩緡遇蹇世事  
促那有清興顛冠巾無功樂丞吏而隱梅朱封事何由陳  
對花不省迴舞袖但付流水來沄沄并無好句訓綺序但  
把斷簡療飢呻豈期戶曹起我意新什搏控黃騏驎擊鮮

不厭我揆潤相見挾去藩柅眞我謂徐君請更酌待珠苗  
菌篋生孫我歌君和出金石起視天宇雲鄰鄰

題畫柏

嗟子節行久已情媿見峻嶒百尺枝始信枯中有生氣冰  
霜歷鍊畏人知

三月二十八日蕭寺餞別

稍覺市塵遠旋登香界闌日澹花氣融天光罨金碧寂磬  
流空林繁英照瑤席者彥欣盍簪眞賞寄樹石摩挲題名  
卷匆匆百年客一片羅浮雲蒼茫將遠適時危渺忠直幽  
憂那可釋暫去林野娛一收朝市迹

島索爭方始，予黃運密移。欲一掃氛濛，儒術能己之達者。  
無繫礙萬物之宗師。孤行心冥冥，不賦世俗爲求治。慎所  
積，竭忠良不欺。禍福豈暇擇，聲銷志無涯。君今賦遠遊，軒  
車來何時。何以戒居者，靖共爾職司。養此徑寸著，其用方  
靈龜。勿笑一尺捶，自足管羌夷。感君贈處言，留作佩弦資。  
鄧公頌行以所乘驢見贈，不意驚逸覆車老僕王姓。  
猝然壓斃於其瘞也，哀之以詩。

胡爲汝命今，晨盡逸鞋奔。咎孰任張籍，昨方欣得馬。楚  
人笑止哭，亡簪禍機俄。頃真難料沈，魄浮游不可尋。剝隊

敗門傷我意，誰如汝慎。只需襟

韓集有張籍得  
裴司空馬詩

戲書

強名修道仍耽俗，卻似猩猩酒屐緣。  
近愛山陰陸務觀，心行平等得安便。

送西僧華蓋

道人談笑寓兵機，賜紫蒙

恩得假歸。曾仗星文三尺劍，橫穿月暈七重圍。  
行經大漠人羅拜，氣懾陰山馬不肥。  
邊寺祝

釐工鎮撫羣胡耕獵誓

皇威

奉送黃文典試闕中感時書事有述二章

健鶻不逢秋鬱律沮剛氣遠輜聊一快冰雪澡腸胃壁去  
全趙輕劍來延津慰久闕肺槎牙且辨物涇渭如疏泉萬  
斛扶球傾一漑朱亭三百士公至癩瘡癩炎洲饒佳橘貢  
作金庭味知辦藥囊儲他時筮茅彙取以伸吾志百鷲安  
足貴

孤標凌清風旄節衝黃埃使車所蒞處應灑甘雨來疲農  
田墾兆三輔旱爲蓄丈欲披心胸迴望天門開一陳民疾  
苦再陳剗奸回長風不可纜吹送海濤厯借問何所適無  
諸釣龍臺雖卽江湖樂猶夢殿浮恩丈乎早迴駕朝論待  
奇核



送夢華

時奉使  
湖南

餘霞閣畔兩支離

丙子冬在秣稜度  
歲與君同栖道院

上第看君旋摘髭騎

簇仙官方丈節囊收芳杜屈原祠冶城交舊稀青眼

中自  
子高

叔何嘯山入己荷草桑根老人亦下世未及睹君稽古獄  
之榮以慰諸公焦翠窮經之色追念及之不勝感歎

麓諸生列絳帷終愛割青亭隱去何如經卷忍朝飢

天台藤杖歌

杖兮杖兮共生也艱天台四萬八千丈雲氣時出壘空閒  
山霧濛濛神鬼守熊經虎獲天門關半葺離纏一百尺長  
松恠石相緣揆上有懸巖太古雪不化下有石梁飛瀑濺  
潺潺兮蟻白鶴集吟歎暎帶篁竹深茅菅蒼官青士拱左

右雷雨倒垂石髮斑何年巧匠妙斫取遂辭瓊臺紫闕流

落于人寰蒼然非生亦非枯備奇古勁節盤紆緋衣都水

王大夫

歿夫贈此杖

持示瀨上支離臘時危恨少忠直扶疇侶

道德鉏奸諛頗疑玉尊屹立波黯戀搜龍鱗兮捋虎鬚偉哉造物於汝厚嚴凝之氣獨與常葩殊厓傾川竭汝僵立首拄赤城台嶽尻元都堅凝正靜世所仗噤懾夸毗之子兀若檣株枸嗟予再拜安敢狎亦不欲駭羣兒愚但用日挂百錢相追徧陟人閒五嶽真形圖鏘鏡大句詫寒拾劖泉擔藥窮髮娛海東霞起坐待赤城曉餐和飲瀝相忘

於江湖

言  
三  
簡繩庵文

雲浮彈指幾榮枯  
雞塞歸來事事殊  
蠅蛾王侯眞臭腐  
筮筵標韻一蕭疎  
陳編微管疑今決  
聞爲管子作箋  
舊業屠龍世笑迂  
豈謂閉門無一事  
古藤陰下注陰符

圓枕贊

轉輪爲臥輪  
無住亦無滯  
槁木非槁木  
臥游入閒世

方牀詩

鼎父所留坐具

佳人詒我碧藤牀  
嶺外音書滯一方  
兩處孤雲都入夢  
何時夜雨約相望

雨後納涼

坊非履道卻幽偏  
雨洗炎蒸得靜便  
殘滴猶聞松下響  
繁聲已過竹中喧  
柄真班嗣耽何物  
養性王充述幾篇  
詩罷颯然天又雨  
殷階琴筑迸流泉

善果寺

道人心明白日靜  
坐覺萬籟頻  
伽音蒼然閉門竹  
色淨漠漠一片苔  
花深

人事不齊

茶戶喜霽花房祝  
露浣婢願水淺汲  
奴願水深鵲飢欲  
入窳雅渴思出林  
兒者飽睡嬾呻吟  
晚臥早起常差參  
有月嫌明無月暗  
人來畏聒去愁瘖  
熱客望常調貪賈  
囊無金

爰居無心於饗樂苦遭魯俗來相尋人事不齊有如此一  
笑芭蕉堅受此百盜侵荒齋何所有陶器與單衾亦無一  
卷素書一弦琴足以洵寫開靈襟祇餘半偈寒山子寂寂  
惺惺怡我心

頗饒

頗饒紅皺與黃團所乏湖嵌并瀟碧隸知畏客關三重兒  
得吾酒能一石時來窗下作俗書詰屈蛟蛇虺牆壁

蓼花

弱蓼紅初吐亭亭亦絕塵天然瓊瑤鬢不厭庾郎貧  
有一佳書爲友人借觀失手瀆水所浣戲咏

無端篔外通靈畫  
忽厄桓元寒具油  
卻似姝姿蒙不潔  
幾疑蕤簡出荒邱

秋日過灌畦翁

屋後叢叢翠畦香  
蝶不知井上鹿盧臥  
蔬甲雨肥時  
秋深梨棗熟丹漆  
壓簷齷莫笑支離叟  
頽然且策勳

偶寄栝州山中隱者

栝蒼一峯高俯視  
皆培塿丹邱待逸人  
受經江漢叟榮榮  
窗下蘭落落門前柳  
陶然游太初不在飲  
五斗青牛道士來  
奇方傳肘後頻出刀  
圭良廢疾起簷蔀  
人令種一樹爛漫  
花滿阜時有山蜂喧  
不須瘖虎守晴窗  
見飛瀑涼翠逼

庭牖一道松花泉，  
谿窅孔雀口，下尋忘歸臺，  
苔別唐篆，  
糺山中饒靈異，  
世外皆秕垢，  
蝸牛隨意廬，  
觀物息深黝，  
活東能作技，  
潭湫玩蚪蚪，  
疑年踰古稀，  
行義炙眾口，  
有子豐年穀，  
計偕貢闕右，  
無慙太邱德，  
莫測瞿硎壽，  
欲往叩遺書，  
鼯生應筆受。

龔儀曹同年索和

人海突兀栖一鷲，  
懷中雙橘開笑容，  
槎凌碧玉晉祠水，  
袖有紫蓋滄臺峯。

曾典山  
西試

已聞止酒學陶令，  
復有仙班參秩

宗，  
劖啄叩門百不應，  
哦詩獨立如蒼松。

睡起聞茶沸聲

乍如遠嶺風篔韻復似冰溪咽更揚折足鐺中茶已熟覺  
來滿眼是窗光

上蒿隱先生

修門世機溷侏儒龍章鳳姿絕世無先生意度獨真朴安  
雅自足鉉羣愚人中頽然若松峙昏則挾冊窮鉛朱詞微  
趣澹不驚俗萬象攝以仙公壺說經妙處精且博爰禮秦  
近書皆奴世閒局趣不稱意斗食束縛昂藏軀洞庭西岫  
幽絕處波平萬頃霞滿湖水光山色富奇麗石屋洞天開  
畫圖把茅尙足蓋頭去況買下溪供雕菹歌牧遂助吟  
嘯竹木明淨心魂蘇從容發篋讀書史勝於日力官曹拘



十年深耕歷古籍名理日茁無荒逋豈如吏困莽涉獵十  
不一得償其劬收身名山玉笥裏踵息自抱三淵珠古云  
聞善江河決至靜乃與木石俱胡爲錄錄與俗處龍虎徒  
絀獵師豈追召雙筭興不孤上下林壑窮清娛山精龍女  
證息壤知我獨往情非誣先生聞此一撫掌明日招隱歸  
來乎

欲雪

溶溶雲勢合微黃罅處凍蟾生一光三兩點花輕著樹無  
緣巧借作宮妝

冰池忽訝琉璃地淨處看猶隔一塵卻憶未眠南郭叟燈

昏獨自掩松筠

尊老生日

賀公年輩在臣先吏隱風流史又卒夙證天台採靈藥夢  
騎白鹿聽飛泉

君自云前身爲人  
台山中國清寺僧

清談曼衍言皆雅客疾

乘除意自仙記取乾嘉音未沫不煩南董以儒傳

書局齋鹽早接正喬松蒿倚魏晉疏廿年彈指官倉鵲一

笑相响澗陸魚

同治中與公同在書  
局筮仕又與公同曹

班嗣久思專一壑鄭

君書待榻千藥入山乞

音器

我飛霞佩願傍深甯講學廬

過水月庵有懷姚鏡塘先生

一片空明月月俱杖言春雨灑根株道光朝士狂標格庭

翠今餘柏子無

最愛

最愛西窗雨叢竹亭亭不受臘雪種風來遠韻金浙瀝月  
上疏影玉離筵現莊嚴相神孤聳列淨明心俗未諧墮寒  
日夜相蟬代與之偕逝亦良佳

歲除

晴樹噪寒鵲不覺歲已除徒淪阮公跡未返班生廬爆竹  
聲催老據梧懼有餘還思下瀝舍盡日帶經鉏

詩續戊終

安般箴集目錄

詩續已

偶書絕句

簡子培

正月十三日舉一女

畫蝶

自嘲

寄仲修三首

聞白雲觀集

偶書

詩續已 目錄

小澗集

直房小憩

湘翁贈阿育王寺常住田碑卽用于使君范處士唱

和韻奉謝

又患佚老堂記及米書拓本次前韻

春晚

嘲江荔香人場

咏錄公畫睡

金闕

追懷融齋先生

問嬾病嬾荅云

三兄餉子陵魚寄二絕

題陸放翁先生小像六絕句

新植樹

自署云瀨鄉支離之叟

雜興

陶文沖作壁窠書遣我賦長句爲謝

送松岑南歸省母

送黃公度再遊歐西絕句十首

單學博有詩戒子好用破教中語次韻答之

天向曙

楸花

十刹海稻田

端午

觀物篠棗花未落

久旱五月十二夜始得雨

王修撰張分巡招陪少詹李丈通政黃丈蕭寺讌集

時王君將奉使嶺南

戲題苑門外托托壁

華嚴庵中有逃虛子像

寓言

寄鄉信

觀物

訓文道希二首

六言二首

僕性不能書近見鄭太夷所作艸隸洒然異之充其  
筆力猶追風之逸足不至懸圃拔桐不止也有贈

雨中移竹

感寓

雨後郊行

與蒿隱子培再同緣督夢華佛青宴集葦灣泛舟觀



言卷五  
三  
荷

又至南觀音寺小憩

送華農典山西試二首

盆池一蓮開四花重跗千葉有異常狀作偈頌云  
以詩問仲弼近業何事

倚杖

積雨

送張靄青入蜀

曉霧

里人驅疫

華嚴海

八月十六夜望月

小園

將曉起坐

復葺西齋整理書架連日勞倦拈筆戲述

直晚

池上

夾竹桃

詠史

對月思黃丈

層城

重九前一日作

陶隱居

贈那祠部

戲呈崇員外宋水榭

砭交

哭趙新又太守

座主阿魯特文山先生壽詩

又代

送同年高舍人歸杭州兼懷仲修

寄孝達督部師

夜入掖垣同葉吏部作

同宿調何主客用前韻

削迹

孤兒行

夜讀寒山居士集

又 錯用前均

大鑿真空禪師贊

尊客生日

歲闌戲題

安般釋集

詩續已

芳郭鈍笈

偶書絕句 己丑

歸心乘月泛西溪老屋寒蔬一兩畦  
洲畔梅花問消息橫枝側浸碧玻璃

鐘度層崖塔影微漁榔夜半火明磯  
弟兄真酒高樓望待我橫江一鶴歸

簡子培

古今滯義積拘攣出匣龍淵一奏鈿  
萊子斑衣眷更暝白雲散吏傲如仙  
盧師巖畔應穿築退谷亭前好接聯  
試覬

蠶耕深處隱西山佳氣壓幽燕

君久居北便習之嘗語子云前一歸禾中無田廬可

依輒復思

北故云爾

正月十三日舉一女

試燈風暝長蘭芽繡襪新紉小阿茶且喜向平心事早消  
搖閉過十年賒

畫蝶

惟蟲今始信能天天上張星語帶禪適適秦宮花底滃  
蘧莊鳥窠中仙前身園客迷離蘭詩境清明淡沱煙閒酒  
生綃工粉墨卻愁春老柳飛綿

自嘲

昔時王昶字文舒張昶兼聞妙草書

張字與王同

一卷牀頭捫

老帶數行筆陣壓羊裾伯英迴授臨池未新息還期戒子  
如吾欲其閒資以老青林黃卷足逃虛

寄仲修三首

春回湖上赤華房詞筆陰何老更狂南垞幾叢寒玉護東

城一道菜花香衙官才歷杭兼厲草隸源融魏與梁

君與稼孫

論書具有微解再蛻解龜成獨往新添紫氣斗牛旁

眠予疲憤潮春泥幾負湖濶碧艸萋何似銷沈文字海一

生謝客首長低選詞巧匠神芻狗

君方續迦陵陳氏函衍集

載酒春山

聽竹雞可許相招數晨夕竹窻割與小雲栖

莊戴錙張蘂落盡

中白子高彥清叔俛嘯山

譚公應亦入霜髭猶能楚

調烏棲曲絕妙吳趨白紵詞短簿予今隱油幕長安君笑  
戰枯碁舊游如夢憑誰說愁絕還鄉江總持

聞白雲觀集

春人一半在城陰來者穰穰訪道林誰識君家池上樂融  
融春柳動鳴禽

偶書

老去心情依淨土吟詩蹇淺不成邦王侯螻蟻看俄化一  
笑區中有底忙

直房小憩



拳窩窄窄銚生煙漸近窻光欲曙天卻似扁舟宿深葦曉  
來風定一鷗眠

湘翁贈唐重建阿育王寺常住田碑卽用子使君范  
處士唱和韻奉謝

文字纏兼雄贖椎倖得公風流大和歲韻事赤華宮石闕  
煙雲劫情開匪衍中使君行臆跡花發舊山紅

又惠佚老堂記及米書拓本次前韻

名蹟殷勤護搜奇竟屬公隸差肩北海

記爲張榜寮書極似李北海竄逸人

碑艸亦妙南宮島索揮持際星霜俯仰中

開慶己未理宗之卅五年也是

年蒙古憲宗殂于合州  
釣魚山下次年世祖立  
何如老賀監狂瀉荔支紅

春晚

春晚東園花未開  
餘寒料峭燕遲來  
問春何處光風早  
細草攢茸綠掩苔

嘲江荔香入場

莫嫌寒乞柳條筐  
舞袖迴風定勝場  
倚樹名憎吳質癖  
試官紅勒卻須防

咏錄公晝睡

銅魚早啟戴星寒  
仗散趨牙日半竿  
風味依稀似貧士  
曲肱一枕入台觀

虛堂龜息浩無聲  
窗外鉤輦一鳥鳴  
不放市塵壓午枕  
夢

中幾局費推枰

金闕

金闕瓊臺弱水西  
蔥籠翕旆與雲齊  
諸天法曲霏花雨  
上界仙經降紫泥  
石壁敲紅開錦繡  
池光淨暎樂鳧驚  
白雲杯祝無量壽  
大藥神丹捧一圭

追懷融齋先生

講筵閭寂館壇蕪  
玩索遺言魯一儒  
北極雲浮似車蓋  
南來衣法不枝梧  
撫華自昔揚雄嘆  
守嘿誰爲元晏徒  
蕭寺蒼苔尋履迹  
試拈水月客知乎

道光中先生官都下時僑長春禪寺

問嬾病嬾答云

藜牀黃卷兩支離

用荆公婦病詩意

乞告無期病有期  
答我芭蕉

原不實淨名一卷信心持

三兄餽子陵魚寄二絕

雞因劉子成仙去  
魚以嚴翁浪得名  
想逐琴高薦春網  
江樓歸對食鱗橫

微於白小細於毛  
未足尊前佐濁醪  
惆悵吾兄招隱意  
枉拋南食就腥臊

題陸放翁先生小像六絕句

我家瀟灑桐廬郡  
管領於今倘得公  
便作州民挂冠去  
不辭黃獨餉干叢

伐胡鏃騎蹋河冰病挽黃閒老尙能南渡君臣負公意餘  
生只合臥花塋

老來祠祿覩田廬八十山陰雪泛船還似蜀游疏氣象摩

訶池上海棠顛

像從蜀刻  
石本重摹

抱牘牙參畏吏噴鍛餘鸞翮暫須馴府公何幸得學士度  
外能容岸角巾

公有詩云平生膽氣薄不敢犯張禹有時一言失恐  
懼氣如縷念此思挂冠白首冀安處公平生亦苦作  
吏之蕭然疲役耶淳熙乙未公年已五十餘參議蜀  
軍府遇故人范至能來爲帥不以僚佐束縛相得殊

懽未二年范卽去然則遇佳府公亦偶然耶

牛欄春社那辭貧飢輒茶甘老此身詩格不須分宋蕤風  
流未遠義熙人

邱壑憐予著未宜媿公瀟散出塵姿樵風依舊溪光好未  
忘青鞵布韞期

新種樹

定從淨社刷芳根移入官園性厭喧似語風前木芍藥我  
耽村落爾朱門

其二

根株未固那能妍兀傲槎牙似散仙了烏舞衣誰一顧狂

來獨自柘枝頭

自署云瀨鄉支離之叟

新衙莫笑支離叟久竹蟲生亦有天  
遲我白雲源裏墅挂來綠玉杖頭錢  
園官夢蝶常當畫屬國看羊那計年  
時一中之老徐邈不知清濁竟誰賢

雜興

不到西郊古剎鹿應頭上生枝

松兒不識鹿角謂是頭插老樹枝

剝落古

碑無字惟餘落沒穹龜

花日黃沙刮地旱來蒼耳將枯人生十事九蹇况值荒年  
大無

吏散歸來獨坐綠陰如幕當牕無端驚破幽寂異鵲穿林  
一雙

一片靈臺清瑩世故環攻不訾卻似昆侖寒玉麤沙大石  
磨治

陶文沖作壁窠書遺我賦長句爲謝

隱居滅景華陽洞草隸驚人勢欲仙法乳久隨巖石泐雲  
孫今得枕函傳井闌復出梁千劫筆冢潛擘越一塵虛辱  
夜光投闇士卻慙故步滯窮壑

送松岑南歸省母

君子所居鄉盜牛還守劍請看邠根矩薄俗遼東砭上谷



亦羸壤雄邊財俠贍酒帶馬渾腥巫紛雞骨占頻年龍伯  
高講壇花爛爛不鄙夷諸生指畫忘倦厭冷然天風吹清  
明掃昏墊剔除榛莽翳前濯桃李澁諸生亦安雅如隰水  
注壑椎鈍化鮮瑩鷓鴣膏拭沾思親服嶺南周磐食難糜  
飄然辭精廬擔囊歷行店袖有塞外春士無朝菌斃千人  
送自厓器業後當諛君粗畢嫁事匱箸多可槩迹屯名理  
超神茂眞觀斂行不儻石攜饒益無所欠曙觀牛斗南海  
氣浮天激舊來歲星精將燭西樵牧羨君衣斑連春酒一  
卮醞幅巾期登堂共飯他時忝

送黃公度再遊歐西絕句十首

行徧扶桑東復東碧幢又引上空桐駟談九大洲非幻都  
入編排日譜中

匪有東瀛國別書發凡辨體子元如陋他島索輕南北事

緯年經意不疏

君纂日本國志翔實有體

直須壓到吾鄰鏡夷夏文人斂手推始信山川能說者林  
牙爭重老劉才

嶺南不獨生丹橘海外從看舞白題佛說西牛貨洲好漢

家戊尉十年栖

爲舊金山領事最久

金穴中郎工摸金豈知國計恤疲黔仍將本富蠶耕重莫

得其皮枉用心

墨利加人最重農事

翁山兀兀二樵崎嶇雅飄姚不可追今得泓岬蕭瑟手正  
音一洗嶺南詩

孺初伯訥兩孤標說士期君器後彫卻望南雲深不見海  
山何處訪團瓢

蹙然訪我碧雞坊漫叟於今漫作郎稍待時清長揖去與  
君挂席水雲鄉

芋賦能令狎眾狙蘭閣彈指到羣胡指攜卽廡閒談笑絕  
倒壺邱攝鄭巫

故人持節大秦西

同年叔  
芸星使

又送新知捧紫泥蒼海不波川

嶽靜始知

廟略舞干齊

單學博有詩戒予好用彼教中語次韻答之

蹇劣惟應慕館壇迂疏雅稱習台觀盤飧不怕悲三釜餅  
智何曾效一官賴有名言肱守墨幸依學舍得攀韓先生  
箴我膏肓疾誤食從教卻馬肝

諸男總不耽紙筆賴有名師棒喝存掃徑煩公能正讀連  
牆與走契無言偶觀西笑敷碁局共醉南窗臥竹根此卽  
雩風沂浴興知時善點得真源

晚來經籍廢鑽硿既乏資糧又不專池受天光同一淨月  
移花影懣諸緣何方煮玉癩詩病豈任鞭鸞作散仙急望

雨甘霑足後郊西習射控黃肩

天向曙

海色蒼涼欲曙天  
栖烏將子度郊煙  
人閒亦有蒙園吏  
龜息虛堂自在眠

楸花

楸花一樹氣掣參  
伴我東園醉後吟  
縱不諧時堪自媚  
翦成綵勝卷風林

十刹海稻田

點綴江村景象幽  
不知近在曲江頭  
無邊瑩淨圍方郭  
隔岸樓陰漾碧流

端午

不看競渡固陵濤十二朱明旅望勞  
卻見內家方角糗青絲簪裏穉新淘

觀物籜棗花未落

翛然仍不改清陰細細團花鏤似金  
深媿物情如此厚未秋常以實爲心

久旱五月十二夜始得雨

潭底龍慵抱寶眠祠官玉冊屢投淵  
林端忽覺珠跳集簷際如聞石瀨濺  
焦穀應蘇青玉穎瘦篁旋引翠虬鞭  
天心最恤疲農苦遶郭朝看萬竈煙

王修撰張分巡招陪少詹李丈通政黃丈蕭寺讌集  
時王君將奉使嶺南

城西饒古刹相望一牛鳴勝集名藍敞虛堂眾綠生流連  
蘭渚禊洒落竹林英梵放諸天寂鐘殘遠壑盈東京李郭  
舊南極箭金并道論龜毛析樞言繭蛹精層霽碧樹閣落  
景紺園明應候蒲初茁忘機鶴不驚止觀瞻菊淨銜使少  
蓬行米人呼祕監  
之貳爲少蓬待泛滇陽峽迴看此日情

戲題苑門外托托壁

眾集則有枯折患澹然獨與神明居騰騰一刹那閒睡刺  
齒搏梁總不如

華嚴庵中有逃虛子像

北郭十友之一鱗仇家卷中艸入神

仇山村詩卷  
道衍有跋

翠微山

寺栖不穩翻現畏佳世法身

寓言

惑恠俱未泯趣無滄洲逸既乖隱豹姿復媿屠龍術雨歇  
徑含清歲儉林稀實真觀遲融釋浮陰生客疾遠巒坰霧  
淨近梵空潮出縹緲寄沈思暫懼憂若失

寄鄉信

山園久別翳荒榛猶幸幾家荆樹春竹嶼潮來村酒熟棧  
船樓下待歸人



觀物

敗葉雨化蝶  
濺荷風眩珠  
將心無所住  
觀物駛何如

謝文道希二首

昔河閒苗夔戲謂挂腹淹貫九千文而不能換一鳳  
閣舍人羊肚錠今豫章文君摘髭得之哀然居首乃  
以爲臭腐苴芥欲拂衣棄去而邂逅於南山之霧夫  
古之達人剝魯猶皮捐魏若梗注瓦得之奚足私慶  
而世人乃營營於一鼠之腐一狔之視治痔五乘橫  
帶萬釘以天下之美爲在己其賢不肖相去何遠哉  
鷓翔而羅者視藪鼈繫而甕天可游物性之殊固不

可強且天下之士惟能博靜澹泊超然聲利之外乃  
足以畜德修業操著鏡而決疑滯彼智效一官者惡  
足與謀康世屯哉君將幅巾南歸栖息雲笈呼吸六  
氣於彼寬閑寥廓之野斂其志行伐材取實以應時  
須蓋知所先務矣願辱索下走贈言因綴以詩走墮  
落世語久矣又何足以副君之意耶

扶疏未盡豫章奇小中驚人示戟支爛漫吞匈九雲夢滑  
稽貯腹一鳴夷歸心忽動蘿衣興塵爵何堪劍璣吹廬阜  
靚深雲似海待鏡山石寫雄詞

委沙搏翼帝京篇役役誰能以德全殺蹙會須諮靜者蜉

癖何暇議松年誅茅佳處真堪隱釋地編成莫浪傳已乞  
一車元晏賜杜門歸去抱三淵

君方艸西  
域釋地

六言二首

蟻貴槐安夢沸蝸休茅壁涎昏楚失齊甯爲得凡亡荆亦  
何存

颯颯雨絲成陣庭翻蕉葉琤琤撩起十年愁緒無眠迸入  
聲聲

僕性不能書近見鄭太夷所作艸隸洒然異之充其  
筆力猶追風之逸足不至懸圃扳桐不止也有贈

不知今何世煙霏覩奇字翩如藐姑人竟體冰雪異沖融

舍勁健古劍藏鋒利昔傳檄愈風今見書破睡清瑩萬丈  
湖寒玉巧匠致鏤之雲一絲風稜夏蟲避名藍非永欣扁  
閣運精思含吐捐故菽環紆出新意蒼枯藤絡松阻日危  
峯閣上栖瞿矧叟人跡不可至風塵撼孤標物外暢遠寄  
觀君三淵靜圓寇心已醉

雨中移竹

幽人野服來庭戶不損龍孫翠一鱗奮雨霏微資薄潤捐  
簷淖約著長身造門已得揚雲老逃谷薪招鄭子真逸我  
便爲林下客垣衣蛛網一時新

感寓

處已惟慎獨涉世良寡諧湛濁闕危言心如溼磨灰眷言  
藥石師毅魄青山隈孤學漸歧誤節行亦以積蠶零龍虵  
蟄陽德何時回元生戒圓曲直木又爲災道與世交喪詘  
信難自裁所以柴桑翁東皋復歸來焉知身後名但付掌  
中杯

青牛涉流沙龍象震迦維冥彼萬有迹攝以四威儀超然

眾物母皎潔無言師能處蕪若淨能履嶮如夷凌儕資獨

往常欲不能溜

抱朴外篇

藻練神明者勝業貴自知

魏書釋志

二塗

雖云異殊欲往從之冷然駕天風青瑯驂素威曾遇異人  
授白織蓋心訣葺茅萬仞厓採芝天山雪至樂規有寄鴻

濛離言說

雨後郊行

散泉迸竹復穿沙，繁吹新添一部蛙。  
卻似竹西江岸路，野塘飛鴨入蘆花。

與蒿隱子培再同緣督夢華佛青宴集葦灣泛舟觀荷

巖居士又老龍吉幾度南池載酒迴

昔與鹿溪松岑屢同游此

瓜蔓水

剛三伏半竹根筵爲七人開，繁花圍似紅幄雪濃酒傾如綠玉醅。  
絕勝昆明度雲錦，野塘寂寂祇鷗來。

蘋花風起盪輕舟，殘暑將闌已帶秋。  
莊惠從來適濠上，鳧

魚與我樂天游鴻頭一斛珠論價竹實當籬玉更抽俱是  
江南未歸客荒灣一曲定堪求

又至南觀音寺小憩

金刹何年遺突兀殘僧自汲水擔薪能留茗碗浮花乳更  
剝芘衣讀翠珉失道身疑蒼耳入繙經手觸白魚新諸君  
喜問楞伽字我欲忘言禮應真

送華農典山西試二首

朱轡引向藐姑深石上松抽碧似簦天遺徐陵工采擷人  
如班禱隔飛沈晉祠乳水醜寒玉閻氏潛邱山碎金洗滌  
山川作佳趣爲除榛翳露遙岑

城南出祖借池臺日暮碧雲猶未來積雨疲車難出淖散

筵華月已窺杯

頃與蒿隱子培夢華餞別筵已闌而君始至

清談不廢樵蘇爨

香飯何須寶積迴但煮寒泉秋菊味饒君懷抱一時開

盆池一蓮開四花重跗千葉有異常狀作偈頌云

花色微塵外三生白業緣諸根無染著何處覓花身

寂照色耶空斷際無開落中應舍一淨不受諸塵縛

淨亦無所著花光次第新四花參五葉一性證三身

開時彈指翠墮亦不著衣一箇游蜂過知無所得歸

無世出世法無花亦無葉拄杖看圓池水淨荷帖帖

以詩問仲叟近業何事



不獨永嘉學兼喜永嘉禪永嘉多勝流清輝被山川所居  
塗雖局塵鞅缺周旋遙知西窗下潭思易孳研道心無磷  
澗世事日摧遷開子社櫟槁眞妄兩希捐

倚杖

倚杖看暮色叢林燈火微須臾疏鐘動飢熟一僧歸

積雨

滿院栽葵墜沈沈一窻綠積雨少人來喜得逃空谷

送張靄青入蜀

杜曲卜鄰成一村姜家布被知奇溫忽騎瘦馬入西蜀相  
看祖帳出東門摩訶池上剖符竹畏兀村邊憶酒尊乖厓

定有發矧手他日傳霖猶灌園

事見宋史  
張詠傳

曉霧

蓬萊清淺霧濛濛風引迴舟極望中姑射人如隔煙語率

陀天似有梯通瓊臺侍史緝眞話

謂錢子密  
王嵩隱

碧海仙槎出

葦叢欲叩洞庭張樂地扶桑稍辨早霞紅

里人驅疫

愧非庚楚所居墟疵癘猶煩走里巫揚盾執戈憑汝逐誦  
經禮懺挾僧俱迂辛莫對松醪悶剛卯還垂椽佩紆且喜  
傳芭紛士女夕陽簫鼓聒潛夫

華嚴海

曲江荷花一萬柄何似華嚴海色涼仙人只用合丹鼎水  
伯因之貢玉堂細草茸茸洲島出疏松沈沈鐘漏長閣浮  
眾生多疾苦應須覓取藥師方

八月十六夜望月

草樹靜無風清瑩挂碧銅入林光炯碎敲杖興迴融忽憶  
秀峯下蕭寥壇宇空

咸豐己庚間與亡兄義庭讀書處

青楓孤昔賞積鬢

禿如翁

小園

習靜養空惟小園鴈呼鵲啾不聞喧塵勞淪淪融真觀世  
議紛紛寢濁煩礪砢病篋蒸出笋便娟風葉倦依根句文

結習甚難淨漫欲捐書七祖門

將曉起坐

槐夢誰先覺窻前漠漠陰嗒然方隱几涼雨墮空林

復葺西齋整理書架連日勞倦拈筆戲述

薄宦半白生無長物自慰吏役失真性清俸償瘠瘠大半  
耗買書叢殘吾所貴寒令妻孥曠飽每魚鼠乞先生若不  
聞陵暴困萬巢以滌世緣惡如索諫果味昨遭雨敗屋穿  
漏蒸霉氣油素厄狼籍微積黯如黻石搨尤所愛摩挲梁  
塵蕪連朝督獠奴排比篇第既經年架檣壞支拄艱位實  
疲勞鶴喙糧拂拭蟬奪餼坐消一日光汗流三伏泐奴譏

主人拙癖此誰供  
屏吾視亡羊均所得  
苦猶未年長道未  
聞忤俗喉觸諱無能  
古人役徒避今人誹  
得失不相償奴  
言發深歎萬事况靡  
常多藏皆可畏  
榜懲子孫醫平泉復  
何謂不如師苦縣甚  
愛戒大費脩然捐書  
游無爲神所穢

直晚

雨後槐街毳溼煙連  
雲官閣靜繚繚投雅  
稍向空枝泊遷  
蟻紆從蘚壁穿城旦  
司空何目了林間翁  
孺背時妍比來  
災異誰陳說卻望更  
生奏一篇

池上

清絕池光朝淡沱  
蕭然林影午參差  
用姚鏡塘先生句  
無人解賞

東園景只有丁令老鶴知

夾竹桃

非桃復非竹疑葉又疑花合是菴羅種休將度索誇彈將  
湘水淚散入武陵霞材豈堪爲杖江斐莫漫嗟

詠史

千年閑是復閑非堪笑迂儒浪刺譏何似張蒼隱柱下卻  
能倚伏洞三機

對月思黃丈

丈人玉立氣高寒四海危難一枕安惟有松梢一片月伴  
公疏影酒杯寬

層城

層城歌吹殷春雷曲罷雲飛夜舉杯蒼鵲收成都講促火  
城明處錄公來芙蓉幔隱花枝笑竹節丹和玉色醅燭池  
參橫人半醉不知何處桂宮災

此刺時  
之作

重九前一日作

天機局人事兀秩未超嚙病阻登臨興喧逃文字禪牆陰  
蒼鼠語籬角晚花然目送南鴻去羈栖又一年

陶隱居

近愛陶宏景松風築閣牢鑄刀名善勝禮塔懺塵勞逸筆  
雲崩石方書藥漬醪茹山不須駐隱或寄微曹

贈那祠部

住十  
剎海

家住浮幢一海邊  
霜風乍捲半湖蓮  
金貂換去惟耽酒  
曹馬牽來屢舞仙  
曉入天扉依御仗  
暮歸戚里散輕煙  
聯翩記取今重九  
正爾樨黃菊綠天

戲呈崇員外宋水暫

東闕逶迤遶未央  
青林綴露閃珠芒  
天河澹澹星欲沒  
桂觀沈沈漏正長  
何似喬仝墮賀亢  
也應瘦杜和聲郎  
眞成柱下方書隱  
抱牘參差雁鷺行

砭交

寂寥張伯松  
笑謝陳遵規  
家貧斷來客  
諷書借一鳴  
嵇阮



性韻別鍛何樂而疲不如兵廚醉山澤澹忘歸惠施說萬  
物嚇莊莊戲譏鮑叔德夷吾卜相管沮之相與无相與素  
交古如斯指趣各有適鳧鶴不相訾奈何末俗訛好惡相  
傾欺同已生毛羽異則瘡疔滋邈然不可卽清風生遠陂

吳趙新又太守

手書猶省字聯綿物化俄驚倍黯然湖上昔曾辭鸚賦廣  
川何遽夢蛇年君權蕙州七月間尚得手告抄所作齒落  
詩相示知紙細書似神明甚茂乃一病不  
起竟卒官所種桑屋老今歸瘞規杜書成定可傳劉峻報  
箋餘涕淚神傷空隴劍徒懸

座主阿魯特文山先生壽謠詩

威鳳儀卷阿  
栝棧有餘綯  
喬松鬱輪囷  
巨棟含元殿  
堂堂  
冢宰公耆德  
冠邦彥  
七葉金貂  
緒三策  
天人選靈根  
茁重  
穎泛蕙光  
風善魏科  
三百年輝映  
景星見椒掖  
首崇班介  
圭專席謙  
作輔翼  
璇樞奇矜  
逾絳縣  
閣通簿  
國計簡要  
汰銓揀  
敷歷玉帳  
符冰徹  
靖傳箭  
元舅鎮  
陪都德弭  
萑  
蒲變邊  
毗頌耕桑  
清介謝攀  
援歸然倚  
勳舊  
澹泊去健羨  
抽簪獨樂園  
頤性止足傳  
薊州穿芳谷公有別業制作極樸陋  
公平萬頃陂  
澄渌絕泥澱  
國人晞  
再出霖雨  
灑芳甸

盛代宴千叟  
朝論望大儒  
導源長峰公  
正學良非迂  
伊  
雒輔微緒  
湯陸識夷塗  
如聞魯齋許  
高正得安圖

公受學  
倭文增

公贊成至元治翼亮佐廟謨豈惟山澤儀度與謝公符栖  
息九流表震盪萬物蘇學治融一源作用管桑殊藥言鎮  
薄俗名理鏡世模欣逢甲子周春豔松醪壺長生老復丁  
梨棗顏迴朱 錫羨天章爛 賜筵太官廚乞言國三老  
靈壽中涓扶以光總章禮用鈇稽古徒區區負牆賜鑿括  
慙社檮願言珥金管名德頌愉愉

又代

天章銜出濯龍門 錫羨三朝德望尊往日祕書嘗賜副  
他時梯几更蒙恩韋平遠業鞏經術伊雒微旨見本源情  
議交推人第一晚棲綠野色逾溫

小築名園獨樂宜，還如迂叟退居時。耆英洛社三公望，砥柱中流萬士儀。椒掖內宣霑玉醴，金闈通籍到瓊枝。具瞻再出清寰宇，溫國風規舊遠夷。

又代

峻望清標世所稀，紫裘試奏鶴南飛。九重錫羨加耆舊，三老祈言拜令徽。廟略動諮靈壽杖，園棲漫試薜蘿衣。他時再起陪經幄，帝鑑圖成佐萬機。

荆峴梁材有辨香，豈惟暖暖內含光。澄銓不數戎兼楷，公官吏部侍郎尚書整頓銓法雖兄弟成姪不稍假借遷吏望風敘迹人不敢懷激倖典計羞稱筦與桑心學良峯傳一畝手栽芳峪絲千章祇慙社櫟無碑補

未逐青芝入藥囊

又代

確慎書傳派不殊

謂唐鏡  
梅先生

平生所得味經腴  
澤宮待拜周

三老邛杖欣扶魯  
一儒竹閣齏鹽類  
寒素松牕圖史入  
鉛朱栖真心在穿  
芳谷何用平泉石  
百株

深衣卻掃一蕭然  
誰識峨峨冠  
進賢風節清夷垂  
汗竹習仁融釋養  
丹田道尊豈藉雲  
霄貴世濁焉知松  
鶴年迴瀕臨邊舊  
時續早應圖畫入  
凌煙

又代

金貂七葉嬪  
韋平公雅耽  
儒以道鳴興  
慶內班三獨  
坐靈

光祕殿一耆英早傳董相萬言策曾典陪京八校兵身  
退勝堂宜綠野不須吐納自長生

胸襟雪淨養沖融和氣春暄萬卉回家譙長庚輝霽月及  
門小艸沐春風一生憂樂關天下甘考迴翔冠侍中我願  
東山望霖雨嶽雲灑澗作時豐

又代

華堂梨棗發丹顏秩冠乾隆千叟班覽揆喜鄰元晦日銘  
功應勒浚稽山夢爭王室神常泰手校羣經意未閒梯几  
中朝諗掌故仙筇靈壽看頽頽

清門世德冠神州射策東堂第一流早擅韋平傳舊業壯

從伊維幕前修露臺抗疏迴

天意

同治未議修園公三上疏諫止

煙

閣圖形佐廟謀那識金張椒掖貴依然儒素卅年裘

平生熟讀敬齋箴主一爲師世所欽

公勝退食所居曰主一之室

典選

吏疑冰上履澄懷月照霽時襟木蘭吐有耕桑樂

熱河圍場墾地

久無定議後得劃清界限行圍無碍毗安耕作公之力也

元菟邊無杼鼓音身退都忘

爲將相鑪熏一炷布銘衾

波斯射利眩干場片語廷爭賴激揚

洋人欲開官銀行放官私利權籠中國之

財操其輕重內外已有成約下廷臣集議公時長戶部力言其害爭之甚力事遂寢

心寄林泉謝文

靖道存匡濟魯靈光會徵高允虛前席何幸彭宣謁後堂

猶憶隨軺江介日紫裘腰遂喜傳觴

送同年高舍人歸杭州兼懷仲修

憲光漠漠雲飛去，幾點林雅散朝霧。  
忽念故人當別離，青山一髮西湖路。  
我昔湖邊舊釣磯，卅年風塵惱素衣。  
石牀泉流如碧玉，當時種松今十圍。  
聞君築閣南屏徑，吸取全湖洲島勝。  
著書飲水足忘老，落日時聞煙裏磬。  
拂衣歸去辭京洛，日笑丹經臥雲壑。  
富春楓老幾回青，海上查還水方落。  
卻憶化書譚逸人，棄官全得水雲身。  
與君相對清如鵠，媿我爰居猶苦辛。

寄孝達督部師

嶺海頻年締造辛，譚訶終望荷。



溫綸并無薏苡珠堪載未有蒲桃酒遣人囊底羞稱樗里  
智腹中差畏正方鱗不如宴坐九華夕隱去陽明只幅巾  
夜入掖垣同葉吏部作

嚴霜同往日華東放仗千門月正中一日呂安將叔夜八  
年社燕伴秋鴻幾時突兀班心立往迹翩跹殿角風

前借君考

御史是日試看御河橋畔樹寒心未肯改春融

同宿調何主客用前韻

與君同落樊籠裏酒母官府時一中莎柵曾經躡高鳳

己卯

年與君同皋橋甚欲去梁鴻枯葦颯颯真忘世龕燭微微

巷而居

不受風不爲君胡久留此謝公佳處在能融

削迹

江令已去清溪曲

荔鄉歸數月矣

半年不到東園中狂來掃壁作

章艸驚起落霞隨斷鴻人傷俗流蹇淺語安得一榻羲皇  
風阮公削迹良有爲醉倒物外天融融

孤兒行

背負者何仰天突兀青琉璃疏星如石何纍纍足履者何  
地蕃艸木百卉滋海爲血峽山爲皮天私我耶昭昭乎日  
月鑑我毛髮地私我耶育育乎漱礪飲而飢舖糜嗟彼橫  
目之民猗交食乎地交樂乎天無適而非親猗言笑晏晏  
承懽顏猗搏豚燔黍奉昏晨猗三命之芄芄猗遯乎其亡

垠猗風生百蟲之蠓蠓猗猶得各私其所天猗胡畀我乎  
蠶丁愁苦食息蠃螬獨爲有天地而亡父母之窮人猗無  
所於歸還猗緊萬物之皆妍猗命胡獨我噉猗

夜讀寒山大士集

得道者如麻竹葦經聲洶湧波濤中亦有奔峰化藿蠋試  
拈弦索送歸鴻道人手未落塵尾倦僕頭已觸屏風塊然  
槩特亡一句燈花爆落茶毘融

又 錯用前均

課芽焦穀還生穎點雪紅罽幾度融聖諦非眞亦非妄庸  
言憐目又憐風欲知兀兀騰騰趣只在蕭蕭黯黯中把似

世人渾不識，枉於泥爪覓飛鴻。

大鑿真空禪師贊

上根性猛利，足下生龍象。蹋殺四魔軍，并敵摧一嚮。鼻枯  
丈室中，萬籟瘖不鳴。言則一法立，彌空風雷生。照亦無所  
照，寂亦無所寂。寒月臨冰池，道人坐看壁。

尊客生日

詆宥三朝粉，髻郎洗洋適。志故難量，豨苓雜癰。俄衰旺楚  
屨，凡弓孰在亡。閔世長安真，似弈迂時中。散不嫌狂看，君  
素髮迴成黑。未用烏麻續，曬方

歲闌戲題

又逢島佛祭詩期疲吏形骸瘦樹枝拄杖鏗然震吾魄

何

句狂歌市上知者誰憂時強聒甯爲智逃世陽瘖亦一奇

還仗晚松寒竹興新昌傲宅已粗治

白樂天詩云晚松寒竹新昌第